



WILMA QUAN

Tus Tswj Xyuas Nroog

SOB LUS XAAJ XWM TXHEEJ CEEV 2020-19

COV ROOJ SAB LAJ HAUV TUAM TSEV NROOG

Raws li kuv yog Tus Tswj Cov Kev Xwm Txheej cov kev cai los ntawm tshab cai Fresno Municipal Code Section 2-506, ntawm no mus kuv yuav xaam cov sob lus raws li nram qab no, kom siv tau txoj cai sai li sai tau no mus thiab kom ntev li ntev tau txog txij lub Nroog txoj kev los tswj qhov kev xwm txheej tseem siv tau ntsig txog rau tus kab mob COVID-19:

1. Sob Lus Xaaj Xwm Txheej Ceev no yuav muab siv ua ntej Sob Lus Xaaj Xwm Txheej Ceev 2020-12.
2. Yuav tau muab tas nrho cov kev sab laj tso rau hauv siv computer (vas sab thiab hu xov tooj). Lub Haus Paus Tswj Saib Lub Nroog Cov Ntsiab Lus Tseem Ceeb (City Information Services Department) yuav tsum muab tas nrho cov hauv kev los tso cai rau txoj kev nyob deb koom tes rau Lub Nroog cov nom tswv thiab cov pej xeem.
3. Lub Tuam Tsev Nroog yuav muab kaw cia rau pej xeem tsis li ces qhib rau cov kev pej xeem tuaj koom tes sab laj uas yog nyob rau hauv Cov Toj Xeem Lub Chav Sab Laj nkaus xwb. Tas nrho cov nom tswv Nroog thiab cov neeg ua haujlwm yuav koom tes rau hauv computer los tau. Yuav tsis muaj lwm cov kev pab cuam uas yog tuaj tim ntsej tim muag rau hauv lub Tuam Tsev Nroog lub sijhawm tamsim no.
4. Cov Toj Xeem Lub Chav Sab Laj qhov kev ntim neeg thiab chaw zaum yuav muab txwv, thiab yuav siv lwm txoj hauv kev los saib xyuas kom muaj kev nyab xeeb thiab kom muaj kev nyob sib nrug raws li Daim Ntawv Pov Thawj A.
5. Tus Neeg Tswj Kev Sab Laj yuav muab kev taw qhia ua ntej los yog thaum muaj kev sab laj kom tsis txhob muaj tej feem tsis zoo tshwm sim thiab kom muaj chaw txaus kev tuaj koom tes.
6. Sob Lus Xaaj no yuav muab txhais sai li sai tau ua lus Spanish, lus Hmoob, thiab lus Punjabi sai li sai tau, thiab kom muaj hauv kev los pab cuam rau tas nrho cov neeg lub cev tsis taus los tau yeem cov ntsiab lus ntawd; thiab kom muab cov ntsiab lus tso rau hauv Lub Nroog qhov vas sab.

Lub Nroog Fresno

City Hall • 2600 Fresno Street • Fresno, California 93721-3600
(559) 621-7770 • FAX (559) 621-7776 • www.fresno.gov

Sob Lus Xaaj Xwm Txheej Ceev 2020-19
Cov rooj sab laj hauv Lub Tuam Tsev Nroog
Lub Rau Hli Ntuj Tim 24, 2020
Nplooj ntawv 2 ntawm 2

7. Sob Lus Xaaj yuav raug muab hloov tau los yog thim tau txhua lub sijhawm twg los tau, thiab yuav tsis muab xam tias yuav los tej yam kev ua ntawv sib cog lus, txoj cai kav khoom nteeg tug, los yog Lub Nroog yuav los lees txheej txog dabtsi.
8. Yog tias ib qhov kev tswj ntawm Sob Lus Xaaj no twg los yog cov kev yuav muab los siv rau ib tug neeg twg los yog ib lub txheej twg yuav muab xam tias siv tsis tau lawm, ces tej yam seem ntawm Sob Lus Xaaj, tsis hais kev muab siv ua ib feem ntawm qhov kev tswj rau lwm tus neeg los yog tej lub txheej, yuav tsis puab los cuam tshuam thiab yuav siv hlo tau thiab muaj kev taug mus. Txog rau thaum xaus no, cov kev tswj cai ntawm Sob Lus Xaaj no yog ib cov uas muab txiav los tau.

CES XAAJ SOB LUS LI NTAWD.

Tus Thawj Tswj Cov Kev Pab Kev Xwm Txheej Ceev



Wilma Quan Tus Tswj Xyuas Nroog	<u>Lub Rau Hli Ntuj Tim 25, 2020</u> Hnub Tim	<u>8:00 teev sawv ntxov</u> Sijhawm
------------------------------------	--	--

Daim Ntawv Pov Thawj A:

Kev Rov Qhib Lub Koom Txoos Toj Xeem Lub Chav Sab Laj

Kev Ntsuam Xyuas Saib Lub Chaw Puas Ntim Txaus

Yam taw kev hais txog kev nyob sib nrug mas yuav tsum yog tib neeg nyias nyob nyias rau kaum ruam ntawm tej lub chaw sab nraud tsis hais tau yuav tso cai zam kev. Cov Toj Xeem Lub Chav Sab Laj siv cov kev taw qhia ntawm no los tau yog tias muab tej yam kev txwv coj los siv.

Kev txhais lub ntsiab lus coj nruj

Nyob rau ntawm txoj kev txhais lo lus tias yuav tsum txwv tsis pub nyob si ti ze tshaj rau kauj ruam, Cov Toj Xeem Lub Chav Sab Laj ntim tau txaus li nram qab no:

Lub hauv rooj - 6 tus neeg

Lub chaw neeg zaum mloog – 5 tus neeg

Lub chaw dav - 12 tus neeg tuaj saib, 1 tug neeg zov nyas, 1 tug neeg tswj saib, 1 lub rooj rau cov neeg lub cev tsis taus

Lub chav nkag los - 14 tus neeg tuaj saib, sawv ua kab sab tos

Lub chaw rau cov xov xwm - tsis teev meej ib lub chaw li (piv txwv tias yuav siv ib tug pej xeem lub chaw)

Kev xyaum tau sib zam kev

Yog tias muaj cov kev xyaum tau sib zam kev ntxiv, yuav pub cov neeg tuaj saib tau:

Lub hauv rooj - 6 tus neeg

Lub chaw neeg zaum mloog – 5 tus neeg

Lub chaw rau cov xov xwm - 2 lub chaw tsis pub hloov, lub rooj zaum twg uas siv los txo kom cov chaw hauv lub chav toj xeem kom txaus ntim.

Lub chaw dav - 16 tus neeg tuaj saib, 1 tug zos nyas, 1 tug tswj saib, 1 lub rooj zaum rau cov neeg lub cev tsis taus

Lub chav nkag los - 14 tus neeg tuaj saib, sawv ua kab sab tos

Tus txheej txheem

Yuav kom Lub Nroog ua tau raws li cov kev tswj ntawm FCDPH, tas nrho cov neeg ua haujlwm nyias yuav tsum tau txheeb kuaj nyias tus kheej ua ntej nkag mus rau hauv cov chaw ua haujlwm thiab tas nrho cov pej xeem yuav raug muab txheeb kuaj thaum yuav nkag rau hauv. Txoj kev txheeb kuaj yuav siv cov lus taw qhia ntawm FCDPH rau cov lus nug txheeb kuaj.

Kev nkag ua ntej

Lub Nroog yuav tso ib tug neeg ua haujlwm nyob sab nraum lub qhov rooj nkag kom tsis pub muaj cov pej xeem nyob rau hauv lub tuam tsev raws li tau piav meej saum toj no kom tshaj. Thiab tus neeg ntawd yuav tsum tswj kom cov pej xeem yog cov tuaj koom rau hauv Cov Toj Xeem Lub Koom Txoos nkaus xwb vim tias lub tuam tsev kaw tsis pub pej xeem nkag tau.

Tus neeg ua haujlwm yuav siv lub cav ntsuam xyuas uas yog lub nroog tau muab los siv txheeb kuaj tus neeg qhov kub taub hau rau txhua tus pej xeem ua ntej yuav kuaj txog kev ruaj ntseg. Kev txheeb kuaj yuav siv FCDPH cov lus nug uas siv tamsim no. Yog tias ib tug neeg pej xeem teb tias "tsis kam" rau tas nrho cov lus nug thiab nws tsis muaj kev kub taub hau, thiab nws coj daim ntaub npog ntsej muag, ces tus pej xeem mam li yuav raug muab txheeb kuaj rau ntawm txoj kev ruaj ntseg.

American Security yuav los ua tus txheeb kuaj ntawm txoj kev ruaj ntseg. Tom qab ib tug neeg dhau qhov kev txheeb kuaj lawm, cov thoob uas pej xeem siv rau tso cov cav thaj fais fab thiab cov siv tawv yuav tau muab so kom huv uas yog siv daim ntaub muab tshuaj los so thiab tsuag cov tshuaj los so kom huv si.

Qhov rooj nkag

Tus pej xeem mam li mus rau ntawm lub thauj neeg nce them tsev.

Lub Nroog yuav tso ib tug neeg nyob rau ntawm lub thauj neeg nce them tsev 1 kom tsis pub tshaj ob tus neeg ntawm tej tsev neeg sib txawv tau kev tso cai nkag rau hauv lub thauj neeg nce tib lub sijhawm. Thiab lawv yuav tswj saib txoj kev sawv ua kab sab tos ua ntej nkag rau hauv lub thauj neeg nce es yuav los hais rau tus neeg saib kev ruaj ntseg los yog tus neeg tswj saib sab nraum zoov hais tias saib tib neeg mus los zoo li cas lawm. Tsis pub muaj tshaj li ntawm rau tus neeg nyob ua kab sab tos ua ntej nkag mus rau lub thauj neeg nce.

Lub Nroog yuav tso ib tug neeg nyob rau ntawm lub thauj neeg nce them tsev 2 kom tsis pub tshaj ob tus neeg ntawm tej tsev neeg sib txawv tau kev tso cai nkag rau hauv lub thauj neeg nce tib lub sijhawm. Thiab lawv yuav tswj saib txoj kev sawv ua kab sab tos ua ntej nkag rau hauv lub thauj neeg nce, yuav taw kev rau cov tib neeg mus rau Cov Toj Xeem Lub Chav Sab Laj los yog ua kab sab tos nkag rau hauv Cov Toj Xeem Lub Chav Sab Laj ua ntej, thiab yuav los tswj saib kev siv cov ntaub npog ntsej muag.

Tus Les Qham Nroog yuav muab ib lub iPad rau ib tug neeg ua haujlwm los mus tsim ib daim npav 'pom nyob rau hauv computer, uas yuav siv cov npav sau ntawv qhia kom tsis txhob nyob sib chww. Ib tug pej xeem twg uas xav hais txog tej yam dabtsi yuav tau mus ntsib ib tug neeg ua haujlwm rau Tus Les Qham Nroog mus teev npe tias lawv xav hais lus txog tej yam dabtsi. Cov ntsiab lus no yuav muab mus rau Tus Thawj Toj Xeem muab rau pej xeem cev lus tuaj.

Lub Nroog yuav muab ib tug neeg ua haujlwm nyob ntawm Cov Toj Xeem Lub Chav Sab Laj los mus tswj saib txoj kev nyob sib nrug, kom cov neeg tuaj tsuas pub kom txaus xwb, thiab los tu cov chaw zaum uas pej xeem siv kom huv. Thaum ib tug pej xeem tuaj zaum ntawm qhov chaw hais lus rau hauv Cov Toj Xeem Lub Chav Sab Laj, lawv yuav tsis kov lub chaw hais lus los yog lub tso suab nrov. Tom qab hais lus tas, yog tias tus pej xeem tawm ntawm lub chav sab laj mus lawm, nws lub chaw zaum yuav tau muab tsuag tshuaj kom huv thiab thawj tus neeg uas nyob kab sab tos ntawm lub chav nkag mus rau ntawm lub chaw zaum.

Lub Nroog yuav muab ib tug neeg ua haujlwm nyob rau ntawm lub chav nkag kom nws koj cov neeg mus rau cov chaw ua kab sab tos, muab rooj rau lawv zaum yog tias lawv thov thiab muab cov rooj zaum so kom huv raws li ua tau. Thaum cov neeg tuaj zaum rau hauv Cov Toj Xeem Lub Chav Sab Laj puv tag lawm, yuav tau hais cov pej xeem txav mus rau lub chaw ua kab sab tos hauv lub chaw nkag pib rau ntawm sab qaum teb ntawm tus ntaiv uas nyob ib puag ncig ntawm Cov Toj Xeem Lub Chav Sab Laj ces pib ntawm sab qab teb ntawm cov ntaiv nyob ib puag ncig rau ntawm Cov Toj Xeem Lub Chav Sab Laj.

Cov neeg tswj saib them tsev ob yuav ceeb toom kom rau cov pej xeem tias lub rooj sab laj yog ib qho tab tom muaj kev sib tham thiab kom yuav tsum nyob ntsiag to thaum nyob ua kab sab tos hauv lub chaw nkag los yog thaum zaum nyob rau hauv lub chav sab laj. Yuav tsum koj cov ntaub npog ntsej muag txhua lub sijhawm. Kev nyob sib nrug yuav tsum kom tsis pub sib ze tshaj li ntawm rau kauj ruam.

Pej Xeem Txoj Kev Txav Mus Los

Tas nro cov pej xeem cov kev txav mus los nyob rau hauv Cov Toj Xeem Lub Chav Sab Laj yuav tshwm sim raws li cov cim taw kev uas muab tso rau ntawd. Cov kis kev nruab nrab ntawm cov chaw zaum yog mus rau hauv (sab hnuv tuaj), cov kis kev nyob ob sab ntawm cov chaw zaum yog mus rau saud (sab hnuv poob), cov kis kev ua ntej yog tig rau sab nraud (sab qaum teb/qab teb), thiab cov kis kev sab tom qab yog mus rov rau hauv (sab qab teb/qaum teb). Tus neeg tswj saib thiab tus saib kev ruaj ntseg yuav txav mus rau sab twg los tau tsuas yog lawv tsis txhob hla ib tug pej xeem uas nyob rau kis kev ntawm cov chaw zaum. Tsis pub tus twg txav los dhau cov kab rooj zaum uas hla cov pej xeem.

Ib tug pej xeem twg nyob rau hauv Cov Toj Xeem Lub Chav Sab Laj los yog nyob rau ntawm lub chaw nkag los ua kab sab tos yuav pub tso cai los hais lus thaum pej xeem muaj cov lus cev. Yog tias ib tug pej xeem nyob rau hauv lub chaw nkag los, nws yuav tau ceeb toom rau tus neeg tswj saib hais tias nws xav hais lus ces tus neeg tswj saib yuav hais kom nws mus rau lub chaw hais lus tom qab cov neeg uas nyob hauv Cov Toj Xeem Lub Chav Sab Laj twb tau muaj caij los cev lus tag lawm.

Yog tias ib tug pej xeem cia li lam tau kov yuav kev lub chaw hais lus los yog lub tso suab nrov, tus neeg tswj saib yuav muab so ua ntej ib tug pej xeem tshiab li mam txav los rau lub chaw hais lus.

Thaum ib tug pej xeem tau cev lus tag lawm, lawv li mam rov mus zaum lawv lub rooj los yog tawm lub tuam tsev mus.

Tsis pub ib tug pej xeem los yog neeg xov xwm nkag los ncig los yog nyob nuj nuam hauv lub chav sab laj yog tias nws tsis tau lub rooj muab rau nws zaum.

Xaiv cev lus qhia rau cov neeg xov xwm kom paub tias pub kom lawv muaj ib lub koob thaj duab tso nyob ib qho chaw tsis txav kom nws tsis txhob thaiv txoj kev mus rau lub chav neeg tuaj zaum los yog lub hauv rooj nyob tsam muaj tej xwm txheej ceev dabtsi.

Kev teev meej cov rooj teev tseg zaum yog muaj ib daim ntaub yaas npog thiab tiv thaiv lawm. Cov rooj teev tseg zaum yuav raug muab hlua cais tawm ntawm lwm cov kab rooj zaum thiab muab hlua cas cov kab rooj uas kaw tsis pub zaum lawm.

Yog tias Cov Toj Xeem lawb kev sab laj lawm los yog nkag mus sib tham yam tsis pub pej xeem pom lawm, cov pej xeem yuav rau tawm ntawm lub Chav Sab Laj mus ua kab sab tos nyob rua hauv Lub Chav Nkag Los. Cov neeg seem yuav tau rov qab mus rau lub thauj neeg nce thiaj li tawm lub tuam tse tau thiab nyob ua kab sab tos txog txij muaj chaw txaus tso.

Cov xov xwm

Yuav tso cai rau cov neeg xov xwm tso ob lub koob thaj duab rau lub chaw tsis pub txav hauv Cov Toj Xeem Lub Chav Sab Laj. Yog tias cov xov xwm xaiv tias lawv yuav nyob rau hauv lub chav sab laj, lawv yuav tsum siv cov rooj zaum uas tau muab teev tseg rau cov pej xeem. Tus Neeg Tswj Saib Kev Txuas Lus yuav teev ib thaj chaw rau tej kev xam phaj thiab tej zaum yuav qhib lub chaw sam laj siab saib rau cov xov xwm siv. Yog tias lub chaw sam laj siab qhib rau cov xov xwm siv, nws tsuas pub txog li plaub (4) leeg siv nkaus xwb. Tsuas yog cov rooj zaum uas tau teev tseg lawm thiab li siv tau nkaus xwb thiab yuav tau siv tshuaj so tom qab Cov Toj Xeem muaj kev sab laj xaus.

Cov Pej Xeem Uas Lub Cev Tsis Taus

Cov pej xeem uas muaj mob lub cev tsis taus uas tej zaum yuav ua tsis tau tas nrho los tej feem raws li cov kev cai tswj vim hais tias lawv muaj tej yam mob lub cev tsis taus yuav tsum tsis pub kev tu ncuu lawv tej kev pab cuam los tej txiaj ntsim, xam raws li cov kev cai tswj los ntawm ADA Title II los. Yuav tau muab kev pab cuam kom txaus tsim nyog rau lawv, xws li tso cai ib tug neg uas teev tias nws muaj mob lub cev tsis taus es yuav ua rau nws zaum tsis tau es yuav tau sawv los yog tso ib tug neeg uas muaj tus mob ua pa tsi tau es yuav coj tsis tau ib daim ntaub npog ntsej muag nkag los, thiab tseev kom tseem tswj tau cov kev cai nyob sib nrug.

Cov Neeg Ua Haujlwm Cov Luag Haujlwm

Lub Qhov Rooj Tag

Tus neeg ua haujlwm uas raug nyob zov ntawm lub qhov rooj nkag los yuav muaj kev feem xyuam los suav saib muaj pes tsawg tus pej xeem nkag los/tawm mus ntawm lub tuam tsev Toj Xeem kom tsis pub tshaj 30 leej. Lawv yuav hais kom cov pej xeem coj cov ntaub npog ntsej muag thiab lawv yuav raug hais kom cov neeg mus kuaj kev mob nkeeg thiab kuaj kev ruaj ntseg.

Lub Thauj Neeg Nce Theem Ib

Tus neeg ua haujlwm uas raug nyob zov ntawm lub thauj neeg nce muaj feem xyuam los tswj kom txwv tsis pub tshaj li 2 tus neeg ntawm ob tse neeg nyias txawv nyias nkag los rau lub thauj neeg nce tib lub sijhawm. Thiab lawv yuav tswj kom tsis pub muaj tshaj li 3 tus neeg nyob rau ntawm txoj kab sab tos nkag rau lub thauj neeg nce thiab kom cov pej xeem tsis txhob sim nkag mus rau lwm thaj chaw (xws li PSD los yog ISD).

Lub Thauj Neeg Nce Theem Ob

Tus neeg ua haujlwm uas raug nyob zov ntawm lub thauj neeg nce muaj feem xyuam los tswj kom tsis pub muaj tshaj 2 tus neeg ntawm ob tse neeg sib txawv nkag rau lub thauj neeg nce tib lub sijhawm. Thiab lawv yuav tswj kom tsis pub tshaj 3 tus neeg nyob ua kab sab tos es yuav nkag rau lub thauj neeg nce thiab kom cov pej xeem tsis txhob sim nkag mus rau lwm thaj chaw (xws li Tus Thawj Tswj Nroog/Cov Toj Xeem los yog CAO).

Lub Tsom Saib Thaj Chaw Dav

Tus neeg ua haujlwm uas raug nyob zov ntawm Lub Nroog Cov Toj Xeem Lub Chav Sab Laj muaj kev feem xyuam los muab cov pej xeem zaum tsis pub tshaj 16 leej thiab rau cov pej xeem seem uas nyob ua kab sab tos. Thiab lawv yuav muaj kev feem xyuam los muab cov rooj zaum ntawm cov neeg siv lub chaw hais lus siv tshuaj so kom huv. Thiab lawv yuav tswj kom cov pej xeem siv cov cim taw kev raws li muab qhia kom pab nyob rau hauv cov chav sab laj.

Lub Tsom Saib Thaj Chaw Tag

Tus neeg ua haujlwm uas raug nyob zov ntawm lub chav nkag los yuav muaj kev feem xyuam rau cov neeg nyob ua kab sab tos uas coob tshaj lawm, muab rooj rau lawv zaum yog tias lawv thov thiab muab cov rooj zaum siv tshuaj so kom huv.

Kev pab daws haujlwm

Tus neeg ua haujlwm thib tsib yuav los pab daws haujlwm rau tus neeg nyob ntawm lub qhov rooj nkag ces nws ho yuav los pab daws haujlwm rau tus neeg nyob ntawm thawj lub thauj neeg nce ces nws ho los pab daws haujlwm rau tus neeg nyob ntawm lub thauj neeg nce thib ob ces nws ho los pab daws haujlwm rau tus neeg nyob ntawm cov toj xeem cov chav sab laj.

Tej Yam Kev Tshwm Sim

Lub Nroog yuav ua raws li cov txheej txheem uas tau muab teev tseg hauv qab no thaum uas muaj cov neeg uas tau kuaj tias lawv tau kis tus kab mob COVID-19 li ntawm thawj peb hnuv tom qab lawv tuaj koom lub rooj sab laj. Yog tias ib tug neeg twg tau pom tias muaj cov tsos mob dabtsi, tiamsis ho tsis tau kuaj tias kis tus kab mob COVID-19, lub Nroog Pawg Neeg Tswj Kev Mob Nkeeg Hauv Chaw Haujlwm (Healthy Workplace Task Force) yuav tau paub txog thiab yuav xwj thiab yuav muab kev taw qhia tias yuav siv cov kev tswj li cas los tshem tawm kev kis li cas.

Tus toj xeem

Yog tias ib tug Toj Xeem tau raug kuaj thiab paub meej tias nws tau kis tus kab mob COVID-19 li ntawm peb hnuv tom qab Cov Toj Xeem muaj kev sab laj nyob rau hauv Cov Toj Xeem Lub Chav Sab Laj thiab nws nyob ntawd thaum muaj kev sab laj, nws cov sijhawm uas zaum ntawm lub hauv rooj yuav tau muab los soj ntsuam los ntawm cov kev kau video saib nws puas nyob sib nruv li ntawm rau kauj ruam ntawm lus tus neeg ntau tshaj li 15 nas this. Ntxiv mus, tus Toj Xeem yuav tau raug kev xam phaj kom paub meej tias cov chaw nws tau mus saib thiab nws ho tau muaj kev nyob sib ze lwm tus neeg ntawm Lub Tuam Tsev Nroog rau hnuv ntawd thiab tom qab ntawd yog li cas.

Cov neeg ntawd yuav tau kev ceeb toom kom lawv muab lawv tus kheej cais 14 hnuv. Cov toj xeem uas tau zaum ntawm ob saib tus neeg ntawd yuav tau kev ceeb toom kom lawv muab lawv tus kheej cais 14 hnuv. Tus Toj Xeem lub chaw khiav haujlwm, tas nrho tej chaw ntawm cov Toj Xeem cov chaw khiav haujlwm, thiab cov chaw nyob rau ntawm lub hauv rooj uas tus Toj Xeem ntawd tau mus yuav tau muab tshuaj so kom huv.

Tus Neeg Khiav Haujlwm

Yog tias kub tug neeg khiav haujlwm tau nyob rau ntawm thaj chaw neeg tuaj zaum mloog kev sab laj los yog tau mus hais lus rau ntawm lub chaw hais lus tau raug kuaj tias nws tau kis tus kab mob COVID-19 li ntawm peb hnuv tom qab cov Toj Xeem ib lub rooj sab laj nyob rau hauv Cov Toj Xeem Lub Chav Sab Laj thiab nws tau nyob rau ntawm lub rooj sab laj ntawd, nws lub sijhawm nyob rau hauv Cov Toj Xeem Lub Chav Sab Laj yuav raug muab soj ntsuam yam siv cov video tau kaw tseg los txiav txim saib leej twg ho nyob sib nruv ntawm lwm tus neeg rau kauj ruam tshaj li ntawm 15 nas this. Ntxiv mus, tus neeg khiav haujlwm yuav tau raug kev xam phaj kom paub meej tias cov chaw nws tau mus saib thiab nws ho tau muaj kev nyob sib ze lwm tus neeg ntawm Lub Tuam Tsev Nroog rau hnuv ntawd thiab tom qab ntawd yog li cas. Cov tib neeg ntawd yuav tau raug kev ceeb toom kom lawv cais lawv tus kheej 14 hnuv. Tus neeg khiav haujlwm cov chaw ua haujlwm thiab cov chaw sawvdaws siv uas nws tau mus ua nws cov haujlwm yuav tau muab tshuaj so kom huv.

Tus Neeg Cev Lus

Yog tias kub tug pej xeem uas tau tuaj koom Cov Toj Xeem ib lub rooj sab laj thiab tau cev lus nyob rau ntawm lub chaw hais lus thaum muaj kev sab laj tau raug kuaj tias nws tau kis tus kab mob COVID-19 li ntawm peb hnuv tom qab cov Toj Xeem ib lub rooj sab laj nyob rau hauv Cov Toj Xeem Lub Chav Sab Laj thiab nws tau nyob rau ntawm lub rooj sab laj ntawd, nws lub sijhawm nyob rau hauv Cov Toj Xeem Lub Chav Sab Laj yuav raug muab soj ntsuam yam siv cov video tau kaw tseg los txiav txim saib leej twg ho nyob sib nruv ntawm lwm tus neeg rau kauj ruam tshaj li ntawm 15 nas this. Lub Nroog yuav tau sib zog los ceeb toom rau cov neeg uas tau nyob rau thaj chaw ntawm. Tas nrho cov thaj chaw uas tus pej xeem tau tuaj mus rau hauv Lub Tuam Tsev Nroog yuav muab tshuaj so kom huv.

Cov Pej Xeem Mloog Kev Hais Lus

Yog tias kub tug pej xeem uas tau tuaj koom Cov Toj Xeem ib lub rooj sab laj es ho tau raug kuaj tias nws tau kis tus kab mob COVID-19 li ntawm peb hnuv tom qab cov Toj Xeem ib lub rooj sab laj nyob rau hauv Cov Toj Xeem Lub Chav Sab Laj thiab nws tau nyob rau ntawm lub rooj sab laj ntawd, nws lub sijhawm nyob rau hauv Cov Toj Xeem Lub Chav Sab Laj yuav raug muab soj ntsuam yam siv cov video tau kaw tseg los txiav txim saib leej twg ho nyob sib nruv ntawm lwm tus neeg rau kauj ruam tshaj li ntawm 15 nas this. Lub Nroog yuav tau sib zog los ceeb toom rau cov neeg uas tau nyob rau thaj chaw ntawm. Tas nrho cov thaj chaw uas tus pej xeem tau tuaj mus rau hauv Lub Tuam Tsev Nroog yuav muab tshuaj so kom huv.